

Լ Ե Ր Վ Ա Ն Դ Շ Ա Ղ Ա Ձ Ի Ձ Ի

1951 թ. օգոստոսի 14-ին 96 տարեկան հասակում վախճանվեց Գրականության ինստիտուտի ավագ գիտական աշխատակից, բանասիրական գիտությունների դոկտոր Երվանդ Հովակիմի Շահազիզը:

Երվանդ Հովակիմի Շահազիզյանը ծնվել է 1856 թվականի հունվարի 13-ին Աշտարակում: Սկզբնական կրթությունն ստացել է Եռևանի գավառական դպրոցում, որն ավարտելուց հետո 1870 թվականին իր հորեղբոր՝ բանաստեղծ Սմբատ Շահազիզի ջանքերով ընդունվել է Մոսկվայի Լազարյան ճեմարանը, որն ավարտել է 1875 թվականին:

1882 թվին նա փոխադրվել է Նոր Նախիջևան և պաշտոնի անցել տեղի Թեմական դպրոցում, որտեղ աշխատել է ամբողջ 35 տարի, նախ որպես ուսուցիչ, ապա տեսչի օգնական, իսկ հետագայում՝ որպես տեսուչ:


Մանկավարժական աշխատանքին զուգընթաց Երվանդ Շահազիզը 80-ական թվականներից զբաղվում է գրական ու բանասիրական աշխատանքով, նա պարբերական մամուլի էջերում («Հանդես գրականական և պատմական», «Էլումա», «Ճարագ» և այլն) հրատարակում է մի շարք հմտալից աշխատություններ:

1890-ական թվականներից Շահազիզը մեծ եռանդով ձեռնամուխ է լինում ուսուցիչին դեմոկրատ Միրայել Նալբանդյանի ընդարձակ կենսագրության պատրաստման աշխատանքներին: Մի քանի տարիների հետազոտության և պրպտումների արդյունքն է հանդիսանում նրա «Միրայել Ղազարյան Նալբանդյան» ծավալուն ուսումնասիրությունը, որ լույս է տեսել Մոսկվայում, 1897 թվին:

Այնուհետև Շահազիզի ամենասիրած զբաղմունքներից մեկն է լինում Նալբանդյանի կյանքի և գործունեության հետ կապված նյութերի հավաքումը, մշակումը և դրանց՝ մաս-մաս հրատարակությունը պարբերական մամուլի էջերում կամ առանձին գրքերով: Այսպես, 1900 թվին «Ճարագի» մի շարք համարներում լույս է տեսնում նրա ընդարձակ հոդվածաշարը Նալբանդյանի կենսագրության հետ կապված որոշ հարցերի մասին: 1902 թվին «Էլումա» պարբերականում լույս է տեսնում նրա «Միրայել Նալբանդյանը Պետերբուրգում» հոդվածը: («Նդամենը երկու տարի անց՝ նույն պարբերականի մի քանի համարներում լույս է տեսնում Շահազիզի մի այլ ընդարձակ հոդվածը՝ «Միրայել Նալբանդյանը Հնդկաստանում» վերնագրով, որտեղ արխիվային հարուստ փաստերի հիման վրա շարադրված է Նալբանդյանի շրջակաստանյան ուղևորության հետ կապված ամբողջ պատմությունը:

Նույն այդ թվերից Երվանդ Շահազիզը ձեռնարկում է Նալբանդյանի անտիպ նամակների ավազման ու հրատարակման աշխատանքին: 1905 թվին «Էլումա»-յում հրատարակում է «Նալբանդյանի նորագյուտ հնագույն նամակների առթիվ» հոդվածը:

Ցարական ցենզուրական խստագույն պայմանները հնարավորություն չեն տալիս նրան մասսաների սեփականությունը դարձնելու Մ. Նալբանդյանի բազարական գործունեության



հետ կապված բազմաթիվ փաստաթղթեր, որոնք նա խնամքով պահում է և հետագայում արտարակում Սովետական Իշխանության տարիներին:

Երվանդ Շահազիզի նախասովետական շրջանի աշխատություններից ուշագրավ են «6-րդ և 1-րդ դարերի հայոց մտավոր կյանքը» (1894), «Մկրտիչ Հովսեփյան էմին» (1900), «Նոր Նախիջևանը և նոր նախիջևանցիք» (1903), «Խորեն արքեպիսկոպոս Գալֆայանը և Նալբանդյանի «Ախցմիբր»» (1903) և այլն:

Երվանդ Շահազիզի գիտական գործունեության ամենարեզմնավոր ժամանակաշրջանն սկսվում է Հայաստանում սովետական կարգերի հաղթանակից հետո: 1922 թվականին Հայաստանի (ուսավորության ժողովրդական կոմիսարիատի հրավերով Շահազիզը Նոր Նախիջևանից փոխադրվում է Երևան և մեծ եռանդով նվիրվում իր սիրած աշխատանքին: 1927 թվականին լույս է տեսնում նրա «Գաբրիել Սունդուկյան» ուսումնասիրությունը: Մի քանի տարի նա գիտական բանասիրական աշխատանքին զուգընթաց վարում է Երևանի Գրական թանգարանի վարիչի պաշտոնը: Նրա ջանքերով թանգարանը հարստանում է հայ գրականության պատմության վերաբերյալ մեծարժեք արխիվներով ու բազմաթիվ կարևոր նյութերով:

Սովետական շրջանում Շահազիզի հետաքրքրության առարկան դարձյալ հիմնականում դառնում են Միքայել Նալբանդյանը, Խաչատուր Աբովյանը, Ռաֆայել Պատկանյանը, Գաբրիել Սունդուկյանը և ուրիշները:

1931 թվականին լույս տեսավ նրա «Հին Երևանը» ընդարձակ ու փաստալից աշխատությունը, որը պարունակում է Երևան քաղաքի պատմությունը խոր անցյալից սկսած մինչև մեր ժամանակները:

Հնդամենը մի տարի անց՝ 1932 թվականին նա հրատարակեց «Դիվան Միքայել Նալբանդյանի» հատորը, որը պարունակում է բազմաթիվ անտիպ նամակները, գրությունները, մեծ մասամբ գրված բանտից: Հեղինակը այս ամբողջ նյութը ընթերցողին ներկայացրել է արժեքավոր ծանոթագրություններով ու դիտողություններով:

1940 թվականին լույս տեսավ Շահազիզի «Դիվան Խաչատուր Աբովյանի» ստվար աշխատության առաջին հատորը, որի 2-րդ հատորը լույս տեսավ 1948 թվականին: 1944 թվականին Հայկական ՍՍՌ Գիտությունների ակադեմիան լույս ընծայեց Շահազիզի «Սմբատ Շահազիզի կյանքը» մենագրությունը, իսկ 1945 թվականին՝ «Խաչատուր Աբովյանի կյանքը» մենագրությունը:

1946 թվականից սկսած Շահազիզը սկսեց իր հետաքրքրական հուշերի տպագրումը պարբերական մամուլում, որոնք նույնպես կարող են կազմել մի ստվար հատոր: Դրանցից ուշագրավ են հատկապես, Ստ. Նազարյանցի, Պ. Պոռոչյանցի, Պ. Աղամյանի, Գ. Սունդուկյանի, Վ. Սուրենյանի և ուրիշների մասին գրած հիշողությունները:

Շահազիզը թողել է նաև մի շարք անտիպ աշխատություններ, որոնցից են «Դիվան Ռաֆայել Պատկանյանի» հատորը, «Աշտարակ» ստվար աշխատությունը և «Զերբեզահայերի պատմությունը»:

Ե. Շահազիզը մինչև իր կյանքի վերջին օրերը աշխատում էր մեծ եռանդով, իր ժողովրդի երջանիկ կյանքը սովետական պայմաններում, նրա կուլտուրայի ու գրականության աննախընթաց ծաղկումը նրան մոռացնել էին ավել 96 տարիների այն երկար ճանապարհը, որի զգալի մասը անց էր կացրել նախասովետական շրջանի հայ ուսուցչի աննախանձելի պայմաններում: